




ԼՈՒՐԵՐ ՔՈՒՅՐ ԵԿԵՂԵՑԻՆԵՐԻՑ

ՆՈՐԻՆ ՍՐԲՈՒԹՅՈՒՆ ՊԻՄԵՆ
ՊԱՏՐԻԱՐԻ ՀԵՌԱԳԻՐԸ ՆՈՐ
ՀՈՒՍՏԻՆԻԱՅԻ ԵՎ ՀԱՄԱՅՆ ԿԻՊՐՈՍԻ
ԱՐՔԵՊԻՍԿՈՊՈՍ ՄԱԿԱՐԻՈՍԻՆ

Մոսկվայի և Համայն Ռուսիո Պատրիարք Պիմենը սույն թվի մարտի 13-ին նոր Հուստինիայի և Համայն Կիպրոսի արքեպիսկոպոս Մակարիոսին ուղարկել է մի հեռագիր, որի մեջ ռուս եկեղեցու պետը իր զարմանքը և վրդովմունքն է արտահայտում Կիպրոսի եկեղեցու Սինոդի երեք անդամների «նոր տխուր արարքների» առթիվ, որոնց նպատակն է երկպառակություն առաջացնել կիպրական եկեղեցու ծոցում և այդպիսով ջլատել Մակարիոս արքեպիսկոպոսի սրբազան գործունեությունը:

«Մենք դատապարտում ենք այսպես կոչված այն որոշումը,—ասված է հեռագրում,—որով Դուք ազատ եք արձակվում Ձեր արքեպիսկոպոսական պարտականություններից՝ այն համարելով միանգամայն անարդարացի, կանոնական ուժ չունեցող մի որոշում, և պաշտպանում ենք Ձերդ Գերազանցությանը, որպես Կիպրոսի սուրբ եկեղեցու միակ օրինական ներկայացուցիչ»:

*
* *

Սույն թվի փետրվարի 23-ին Մոսկվայի պատրիարքարանի եկեղեցական արտաքին հարաբերությունների բաժնի նախագահի

տեղակալ, Զարայիսկիի եպիսկոպոս Խրիզոստոմը ընդունել է Հելսինկիի անգլիկան համայնքի հոգևոր հովիվ, Մեծ Բրիտանիայի անգլիկան եկեղեցու կանոնիկոս դոկտ. Էրիկ Ստեյպլիսին և զրույց ունեցել նրա հետ:

*
* *

Մարտի 19—24-ը Աթենքի մոտ գտնվող Պենտելի վանքում տեղի են ունեցել եկեղեցիների համաշխարհային խորհրդի աշխատանքային խմբերի նիստերը՝ նվիրված «Մարդկանց հետ դիպուկ կենդանի հավատի և գաղափարախոսության շուրջ» թեմային:

Նիստերի ընթացքում կատարվել է մտքերի լայն փոխանակում քրիստոնյաների, մահմեդականների, բուդդայականների և աշխարհիկ գաղափարախոսության ներկայացուցիչների միջև:

ԵՎՐՈՊԱԿԱՆ ԵԿԵՂԵՑԻՆԵՐԻ
ԿՈՆՖԵՐԱՆՍ

Սույն թվականի մարտի 5—9-ը Ավստրիայի Գետցիս քաղաքի մոտ, կաթոլիկ երիտասարդության կենտրոն ս. Արբոգաստում, տեղի է ունեցել Եվրոպական եկեղեցիների կոնֆերանսի (Ե. Ե. Կ.) աշխատանքային կոմիտեի ընդլայնված խորհրդրականական նիստը՝ «Հիսուս Քրիստոս եկեղեցու վկայությանը ու ծառայությանը մեջ այսօր Եվրոպայում» թեմայով:

Կոնֆերանսին մասնակցել են Արևելյան ու Արևմտյան Եվրոպայի եկեղեցիների ավելի քան քսոսատուներ կայացուցիչներ՝ նախագահությամբ պրոֆ. Ֆ. Անդեուի (Ֆրանսիա) և ղեկավարությամբ Ե. Ե. Կ.-ի գլխավոր քարտուղար դոկտ. Գ. Վիլյամսի:

Գլխավոր քարտուղարի բացման խոսքից հետո վերոհիշյալ թեմայի շուրջ լայն մեկնաբանություններով հանդես է եկել պրոֆ. Ն. Զաբոլոտսկին (Լեհիզգրադ):

Այնուհետև ժողովականները բաժանվել են 4 աշխատանքային խմբերի, որոնցում քննարկվել են հետևյալ ենթաթեմաները:

1. Այժմեականություն, անընդհատելիություն և նորոգյալ եկեղեցի:

2. Ձեռնադրյալ հոգևորականությունը և նրանց գործունեությունը եկեղեցում:

3. Մեր քարոզությունն ու ժամասացությունը մեզ շրջապատող աշխարհի հարաբերակցության մեջ:

4. Եկեղեցիների վկայությունները և նրանց ծառայությունը Եվրոպայի խաղաղությանը՝ կրոնադավանական, քաղաքական և գաղափարական տարբերությունների լույսի տակ:

Յուրաքանչյուր ենթաթեմայի շուրջ կարդացվել են զեկուցումներ, և ծավալվել է մտքերի աշխույժ փոխանակություն: Այս աշխատանքային խմբերը պատրաստել են իրենց աշխատանքների արդյունքներն արտացոլող 4 ամփոփագրեր, որոնք կներկայացվեն առաջիկա «Նիքոբո 7» համաժողովին:

Ի ՊԱՇՏՊԱՆՈՒԹՅՈՒՆ ԽԱՂԱՂՈՒԹՅԱՆ

Ռուս պրավոսլավ եկեղեցու հրավերով Մոսկվայում մարտի 20—23-ը տեղի է ունեցել Խաղաղության համաքրիստոնեական կոնֆերանսի (Խ. Հ. Կ.) աշխատանքային կոմիտեի հերթական նստաշրջանը:

Բացի Խ. Հ. Կ.-ի անդամ եկեղեցիների ներկայացուցիչներից, նստաշրջանի աշխատանքներին, որպես հյուր, ներկա են եղել նաև քրիստոնեական զանազան եկեղեցիների և ՍՍՀՄ-ում կրոնական տարբեր համայնքների ներկայացուցիչները:

Բացման աղոթքը կատարել է ռումին օրթոդոքս եկեղեցու միտրոպոլիտ Նիկոլայ Կոռնեանու:

Մոսկվայի և Համայն Ռուսիո Պատրիարք Պիմենի անունից ժողովականներին ողջունել է Մոսկվայի պատրիարքարանի եկեղեցական արտաքին հարաբերությունների բաժնի վարիչ միտրոպոլիտ Յուլիանային:

Խ. Հ. Կ.-ի աշխատանքային կոմիտեի սույն նստաշրջանի գլխավոր թեման է եղել «Քրիստոնեական խաղաղության խնդիրները

ըլ խաղաղության ժամանակաշրջանում և լարվածության թուլացումը Եվրոպայում»:

Նստաշրջանում ընդունվել է Եվրոպայի անվտանգության հարցի մասին հատուկ բանաձև, որ ընդգծվում է եկեղեցիների ու քրիստոնյաների գործունեության անհրաժեշտությունը՝ ի պաշտպանություն Եվրոպայի խաղաղության և համագործակցության:

Նստաշրջանի ավարտին Մոսկվայի և Համայն Ռուսիո Նորին Սրբություն Պիմեն Պատրիարքը, ի պատիվ ժողովի մասնակիցների, կազմակերպել է ընդունելություն:

ԷԿՈՒՄԵՆԻԿ ԱՐԱՐՈՂՈՒԹՅՈՒՆ
ՄԵԼՏՈՒՈՒՆԻ «ՔՐԻՔԵԹ ՔԼԸԲ»
ՄԱՐԶԱԴԱՇՏՈՒՄ ԵՎ ՀԱՍԱՐԱԿԱՑ
ՊԱՇՏԱՄՈՒՆՔ ՍՈՒՐԲ ՊԱՏՐԻԿ
ՄԱՅՐ ՏԱՄԱՐՈՒՄ

Սույն թվականի փետրվարի 21-ի երեկոյան Մելբուռնի «Քրիքեթ Քլբ» ընդարձակ մարզադաշտում հոռմեական կաթողիկե եկեղեցու նախաձեռնությամբ տեղի է ունեցել Էկումենիկ փառաշուք մի արարողություն, որի նախապատրաստմանը իրենց գործուն մասնակցությունն են բերել տեղի քրիստոնեական զանազան համայնքների ներկայացուցիչները: Արարողությանը ներկա են եղել տարբեր դավանությունների պատկանող տասնյակ հազարավոր քրիստոնյա հավատացյալներ:

Իր Էկումենիկ արարողությամբ բացառիկ և աննախընթաց այս նախաձեռնության հիմնական նպատակն է եղել Աստուծո ամբողջ ժողովուրդը ներգրավել համաքրիստոնեական շարժման մեջ՝ միջհամայնքային ամենօրյա հարաբերություններում վճռական մի ուստում կատարելու համար դեպի առաջ, դեպի բաղձալի միությունը Քրիստոսի եկեղեցու:

Ավստրալիայում զանազան հարանվանությունների պատկանող բազմաճազար քրիստոնյաներ ապրում են կողք-կողքի: Կաթոլիկների կողքին կան անգլիկաններ, մեթոդիստներ, պրեսբիտերականներ, մկրտչականներ, ոչ մեծաթիվ լութերականներ և օրթոդոքսներ, որոնք բոլորն էլ սերտորեն գործակցում են միմյանց հետ այլազան բնագավառներում:

Էկումենիկ այս հանդիսավոր արարողության ընթացքում, բազմաճազար հավատացյալների ներկայությամբ, եղբայրական հուզիչ մթնոլորտում վերստին հնչել է Փրկչի սիրտ մեծ պատվիրանը ըստ Հովհաննո ավետարանի. «Միեկեք միմյանց, ինչպես որ ես սիրեցի ձեզ»: Քրիստոնեական սիրտ այս մեծ հորդորի ազդեցության անձ-

նատուր՝ բույր եկեղեցիների հազարավոր հավատացյալներ միասնաբար աղոթել են Տիրոջը, որպեսզի բաց անի եկեղեցիների առաջ ճանապարհը դեպի միություն: Նրանք միասին գոհաբանական երգերով փառավորել են Արարչին և ընթերցվածներ են լսել սրբազան գրվածքներից: Ներկաների վրա անջնջելի տպավորություն են գործել կարդինալ Վիլբրանդսի և դոկտ. Լուկաս Վիշերի՝ Էկումենիկ ոգով արտասանած ոգեշունչ քարոզները: Համաքրիստոնեական այս պաշտամունքին նրանց հետ միասին մասնակցել են նաև Ավստրալիայի պապական նվիրակ կարդինալ Ծեհանը, Ավստրալիական եկեղեցիների խորհրդի կողմից՝ Նել Գլինորը, մեթոդական եկեղեցու կողմից՝ Ռեքս Մաթիասը, Մելբուռնի անգլիկան արքեպիսկոպոս դոկտ. Ֆրանկ Վուդսը, պրեսբիտերական եկեղեցու կողմից՝ Մակքելը, և հույն օրթոդոքս եկեղեցու եպիսկոպոս Պանտելեյմոնը:

Նույն օրը Մելբուռնի սուրբ Պատրիկ Մայր տաճարում համախմբված բազմաթիվ հավատացյալներ ներկա են եղել հասարակաց մի պաշտամունքի, որ պսակումն է հանդիսացել տեղի քրիստոնյաների մի շարք ընդհանուր նախաձեռնությունների և անց է կացվել համագործակցության, փոխադարձ վստահության և եկեղեցիների միության նրկատմամբ քրիստոնյաների ունեցած մեծ հույսի նշանաբանով:

Էկումենիկ առումով ուշագրավ իրադարձություն են հանդիսացել նաև սույն հանդիսությունների նախօրյակին «Թաուն Հոլ»-ի մեջ կազմակերպված բարձր մակարդակի այն մի շարք դասախոսությունները, որ տրվել են հայտնի Էկումենիստներ Ստրանսկու, պրոֆ. Մոլտմանի և դոկտ. Վիշերի կողմից բազմամարդ լսարանների առաջ՝ եկեղեցիների միջև միջդավանական դիալոգը շարունակելու առաջադրությամբ:

